

oüy parler. Ils font fur le champ vne grande discipline de cordes assez grosses pleine de gros nœuds qu'ils lient au bout d'un baston pour feruir de poignée, ils la gardent toute la nuit, & le lendemain matin s'estans assemblez au son de la voix du Pere qui les appelle à la Messe: vn des plus considerables entre les Chrestiens pria tout le monde indifferement de se [41] trouuer à l'Eglise, aussi bien les infidelles que les baptifez, pour oüyvr vn mot d'importance qu'il auoit à leur dire. Il y auoit pour lors à Tadouffac 6. ou 7. nations differentes qui se trouuerent dedans ou proche de la Chappelle: alors cét homme zelé se leua au milieu de l'assemblée & tint ce discours. Je crains fort, dit-il, que le peuple de Tadouffac ne soit point sauué; ie voy que c'est vn peuple trop meschant, & que iusques icy apres tât de fautes qu'il a fait, il n'a donné aucun ou fort peu de tesmoignages de son amandemêt, Tenez, regardez, voila comme la terre est faite, disoit-il, montrant sa main fermée, la terre est ronde cōme mon poin: elle est par tout habitée à ce qu'on nous dit, & n'y a presque point de lieux où il n'y ait des fidelles qui croient fortement en Dieu. Il n'y a que ce bout du monde, où l'on trouue bien peu de Chrestiens, & encor ceux qui font profession de l'estre sont si foibles dans la foy, que le Demon a bon marché d'eux quand il les attaque. Les François qui croient en Dieu sont comme vne forte muraille, le Diable trouue de la resistance quand il s'en approche: mais ceux de Tadouffac sont comme ce meschant [42] drap percé (c'estoit vn vieil drap qui seruoit de courtine à l'Eglise faite de quelque autre chose meilleure) nous sommes disoit-il comme ce drap trouié, le Demon passe tout